

御選歷代詩余

御选历代诗余

御選歷代詩餘卷九十四目錄

一百十六字

賀新郎

上

廖行之

李玉

葉夢得

辛棄疾

十六首

游次公

二首

京鏜

袁去華

劉克莊

八首

王邁

三首

于國寶

張鎡

劉儼

四首

程秘

王千秋

陳亮

劉過

六首

楊炎

張輯

黃機

二首

御選歷代詩餘卷九十四目錄

御選歷代詩餘卷五十四目錄

御選歷代詩餘卷九十四

一百十六字

回鑾宴賀儀重華即民

司經局洗馬掌局事兼翰林院修撰嘉二級臣王奕清奉

旨校刊

賀新郎

上

雙調一百十六字郎亦作涼一名金縷歌一名金縷衣一名乳燕飛一名風敲竹一名貂裘換酒皆同調異名也

賀新郎

賦木樨

廖行之

修月三千戶擁冰輪同遊碧落問津生渚上界真仙多
才思巧與瑤階玉樹渺萬里人間何處雲葉依依分清
陰記當年掩映霓裳舞算萬木寧如許年年蕭爽幽
巖路倚西風吹香金粟超然雲塢一洗紛紛凡花盡堪
寫清商對撫爲豁散蠻煙瘴雨脫俗高標誰能領向騷

人正欠題新句須大手與君賦

前調

篆縷消金鼎醉沉沉庭陰轉午畫堂人靜芳草玉孫知
何處惟有楊花糝徑漸玉枕騰騰夢醒簾外殘紅春已
透鎮無聊滯酒厭厭病雲鬢亂未忺整江南舊事休
重省徧天涯尋消問息斷鴻難倩月滿西樓凭闌久依
舊歸期未定又只恐併沉金井嘶騎不來銀燭暗枉教
人立盡梧桐影誰伴我對鸞鏡

前調

葉夢得

睡起流鶯語掩蒼苔房櫳向晚亂紅無數吹盡殘花無
人見惟有垂楊自舞漸暖靄初回輕暑寶扇重尋明月

影暗塵侵上有乘鸞女驚舊恨遽如許江南夢斷橫
江渚浪黏天葡萄漲綠半空煙雨無限樓前滄波意誰
採蘋花寄取但悵望蘭舟容與萬里雲颿何時到送孤
鴻目斷千山阻誰爲我唱金縷

前調

賦水仙

辛棄疾

雲臥衣裳冷看蕭然風前月下水邊幽影羅韞生塵凌
波去湯沐煙波萬頃愛一點嬌黃成暈不記相逢曾解
佩甚多情爲我香成陣待和淚收殘粉靈均千古懷
沙恨記當時匆匆忘把此仙題品煙雨淒迷僊僊損翠
袂搖搖誰整漫寫入瑤琴幽憤絃斷招魂無人賦但金
杯的皜銀臺潤愁磔酒又獨醒

前調

賦海
棠

辛棄疾

著厭霓裳素染臙脂苧蘿山下浣沙溪渡誰與流霞千
古醞引得東風相誤從更入吳宮深處鬢亂釵橫渾不
醒轉越江剡地迷歸路煙艇小五湖去當時倩得春
留住就錦屏一曲種種斷腸風度纔得清明三月近須
要詩人妙句笑援筆殷勤爲賦十樣蠻牋紋錯綺粲珠
璣洲擲驚風雨重喚酒共花語

前調

賦滕
王閣

辛棄疾

高閣臨江渚訪層城空餘舊跡黯然懷古畫棟珠簾當
日事不見朝雲暮雨但遺下西山南浦天宇脩眉浮新
綠映悠悠潭影痕如故空有恨奈何許王郎健筆誇

翹楚到如今落霞孤鶩競傳佳句物換星移知幾度夢
想珠歌翠舞爲徙倚闌干凝佇目斷平蕪滄波晚快江
風一瞬澄襟暑誰共飲有詩侶

前調

賦琵琶

辛棄疾

鳳尾龍香撥自開元霓裳曲罷幾番風月最苦潯陽江
頭客畫舸亭亭待發記出塞黃雲堆雪馬上離愁三萬
里望昭陽宮殿孤鴻沒絃解語恨難說遼陽驛使音
塵絕瑣牕寒輕攏慢撚淚珠盈睫推手含情還却手一
抹梁州哀徹千古事雲飛煙滅賀老定場無消息想沉
香亭北繁華歇彈到此爲嗚咽

前調

辛棄疾

柳暗凌波路送春歸猛風暴雨一番新綠千里瀟湘葡萄漲人解扁舟欲去有檣燕留人相語艇子飛來生塵步唾花寒唱我新翻句波似箭催鳴櫓黃陵祠下山無數聽湘娥泠泠曲罷爲誰情苦行到東吳春已暮江闊潮平穩渡望金雀觚稜翔舞前度劉郎今重到問玄都千樹花存否愁爲倩么絃訴

前調

別陳同父
聞笛有感

辛棄疾

把酒長亭說看淵明風流酷似臥龍諸葛何處飛來林間鵲蹢躅松梢殘雪要破帽多添華髮剩水殘山無態度被疎梅料理成風月兩三鴈也蕭瑟佳人重約還輕別悵清江天寒不渡水深冰合路斷車輪生四角此

地行人銷骨問誰使君來愁絕鑄就而今相思錯料當初費盡人間鐵長夜笛莫吹裂

前調

三山雨中有懷趙丞相

辛棄疾

翠浪吞平野挽天河誰來照影臥龍山下煙雨偏宜晴更好約略西施未嫁待細把江山圖畫千頃光中堆豔潏似扁舟欲下瞿塘馬中有句浩難寫詩人例入西湖社記風流重來手種綠成陰也陌上遊人誇故國十里水晶臺榭更複道橫空清夜粉黛中洲歌妙曲問當年魚鳥無存者堂上燕又長夏

前調

辛棄疾

覓句如東野想錢塘風流處士水仙祠下更憶小孤煙

浪裏望斷彭郎欲嫁是一色空濛難畫誰解胸中吞雲
夢試呼來草賦看司馬須更把上林寫雞豚舊日漁
樵社問先生帶湖春漲幾時歸也爲愛瑠璣三萬頃正
臥水亭煙榭對玉塔激瀾深夜鴈驚如雲休報事被詩
逢敵手皆勅者春草夢也宜夏

前調

辛棄疾

碧海成桑野笑人間江翻平陸水雲高下自是三山顏
色好更看雨婚煙嫁料未必龍眠能畫擬向詩人求幼
婦倩諸君妙手皆談馬須進酒爲陶寫回頭鷗鷺瓢
泉社莫吟詩莫拋尊酒是吾盟也千騎而今遮白髮忘
却滄浪亭榭但記得灞陵呵夜我輩從來文字飲怕壯

懷激烈須歌者蟬噪也綠陰夏

前調

題傳君
用山園

辛棄疾

曾與東山約爲鯨魚從容分得清泉一勺堪笑高人讀書處多少松牕竹閣甚長被遊人占却萬卷何言達時用士方窮早與人同樂新種得幾花藥山頭怪石蹲秋鷄俯人間塵埃野馬孤撐高攬拄杖危亭扶未到已覺雲生兩脚更換却朝來毛髮此地千年曾物化莫呼猿且自多招鶴吾亦有一丘壑

前調

題趙晉臣敷
文積翠巖

辛棄疾

拄杖重來約到東風洞庭張樂滿空簫勺巨海拔犀頭角出東向北山高閣尚依舊爭前又却老我傷懷登臨

際問何方可以平哀樂惟是酒萬金藥
勸君且作橫空鶚更休論人間腥腐紛紛鳥攫九萬里風斯在下翻覆雲頭雨脚快直上崑崙濯髮好臥長虹陂千里是誰言聽取雙黃鶴攜翠影浸雲壑

前調

韓仲止判院見訪用前韻

辛棄疾

聽我三章約有談功談名者舞談經深句作賦相如親絛器識字子雲投閣算枉把精神費却此會不如公榮者莫呼來政爾妨人樂醫俗士苦無藥
當年衆鳥看孤鶚意飄然橫空直把曹吞劉攫老我山中誰是伴須信窮愁有脚似翦盡還生僧髮自斷此生天休問倩何人說與乘軒鶴吾有志在丘壑

前調

獨坐停雲
有懷親友

辛棄疾

甚矣吾衰矣。悵平生、交遊零落，只今餘幾。白髮空垂三
千丈，一笑人間萬事。問何物能令公喜。我見青山多嫵
媚，料青山見我應如是。情與貌畧相似。一尊搔首東
牕裏。想淵明、停雲詩就，此時風味。江左沉酣求名者，豈
識濁醪妙理。回首叫雲飛風起。不恨古人吾不見，恨古
人不見吾狂耳。知我者二三子。

前調

題悠然閣

辛棄疾

路入門前柳。到君家、悠然細說淵明，重九晚歲。淒其無
諸葛，惟有黃花入手。更風雨東籬，依舊頻顧。南山高如
許。是先生、拄杖歸來後。山不記何年有。是中不減康